



Goza Carnaval 70
Cu MAS HOPI
BOSHI DATA

CUMpra BO
ONE DAY BUNDLE
DI 3GB Y
HAYA 9GB

PASOLAMENTE
AFL. 5

SETAR



Ruta mas largo

Diabierna mainta lo bay tin na Oranjestad, e asina yama "Parada Escolar Oranjestad" cu ta dirigi pa scolnan di enseñansa avanza. Den esaki, a nota con varios scol a uni den grupo pa asina cubri e costo pa cada banda musical.

E ruta original tabata stipula cu e parada lo finalisa na Plaza Betico Croes. Sinembargo awor a haya indicacion cu e ruta a bira mas largo. E lo cuminsa Diabierna mainta 10:00 am na Aruba Entertainment Center na Dakota, sigui bay riba Avenida Milio Croes, y na e cruzada cu Vondellaan banda di Banco di Caribe, lo tuma direccion zuid. Envez di finaliza na Plaza Betico Croes, e lo sigui bay zuid, cruza Rotonde Las Americas, pa finalmente bay caba riba Plaza Turismo riba Linear Park. E ruta a bira pues uno di 1.7 kilometer.

E scolnan cu lo participa ta y nan secuencia ta: Grupo 1 ta Mon Plaisir College, hunto cu EduCampus, y Colegio Arubano. Grupo 2 ta La Salle College y Maria College. Grupo 3 ta Colegio San Antonio, Ceque College, y International School of Aruba. Grupo 4-ta Colegio EPI y Universidad di Aruba.

Escolar San Nicolas

Mientras tanto e mesun mainta aki, pa 10:00 am tambe lo tin e Parada Escolar di San Nicolas. E ruta ta sali di Joe Laveist Sportpark, drenta Torenstraat, pasa pa Caya Dick Cooper, Zep-penfeldtstraat, Caya Captain Rodger, Lagoweg, Bernhardstraat, Vuylestekestraat, Pastoor Hendrikstraat, y finalisa atrobe na Joe Laveist Sportpark. Y e ruta aki ta 3.0 kilometer, pues casi 2x mas largo



cu e ruta Escolar na Playa.

E secuencia di e scolnan na San Nicolas pa e parada ta: Filomena College, Abraham de Veer School, Colegio San Augustin, y Colegio Nigel Matthew. Tsunami lo anima e scolnan aki.

Ambiente garantisa

E fin di siman venidero, di awor caba por tende cu ambiente ta garantisa! Goza di bo Carnaval, pero por fabor no

bay wak demasiado profundo den e boter. Tur esaki por stroba abo, y tambe bo famia di pasa un dushi temporada di Carnaval.

A ricibi reaccion tambe cu lo tin midimento di e potencia di speakernan den parada, pa check si ta sobrepasando e nivel maximo di dB (decibel) permiti cu ta safe pa oido humano. Pues soundengineers mester tene bon cuenta cu esaki tambe.



ARUBA Programa Carnaval 70

Diabierna 9 Februari 2024 — G.P. Trinidad Stadion pa Cas Cultura ~ 10:00 am
Parada Escolar Oranjestad

Diabierna 9 Februari 2024 — San Nicolas ~ 10:00 am
Parada Escolar San Nicolas

Diasabra 10 Februari 2024 — San Nicolas ~ 11:00 am
Grand Carnival Parade San Nicolas

Diadomingo 11 Februari 2024 — Oranjestad ~ 10:00 am
Aruba 70th Grand Carnival Parade

Diadomingo 11 Februari 2024 — Aruba Harbour Arena ~ 7:00 pm - 10:00 pm
Kimamento di Momo